

Buletineko gaiak:

- | | | |
|--------------------------------|--------------------------------------|----------------------------------|
| 1. Urmendiko festa | 4. 2018/19 ikasturtearen hasiera | • Etapetako informazioa |
| 2. Haurtzaro Ikastolaren eguna | 5. Uztailan zaintza zerbitzua | • Buletinaz aparteko informazioa |
| 3. Ingeleseko materiala | 6. Glorr arropa eta oinetako bilketa | • Buletinaren eranskinak |

Berri orokorrak

1.-Urmendi Haur Eskolako festa, maiatzaren 27an



Datorren maiatzaren 27an ospatuko dugun Urmendi haur eskolako festan parte hartzera gonbidatu nahi zaituztegu. Goizeko 10:30ean emango diogu hasiera festari Urmendi eraikinean eguerdira bitartean. Egitaraua ondorengoa izango da:

- Guraso eta irakasleek prestaturiko antzerkia.
- Txoko ezberdinak: talogileen gunea, goxo denda, fruta eta freskagarri txokoa, argazki photocalla, aurpegi margoketa, murala ...
- Musika doinuz alaituko dugu goiza eta hamaiketako ere ez da falta izango.

Elkarrekin goiz polita pasako dugu, animatu!

2.- Haurtzaro Ikastolaren eguna

- **BAZKARIA:** Bazkarirako txartelak **maiatzaren 21etik 30** arte, edo **txartelak agortu bitartean**, idazkaritzan eros ditzakezue, **15€ helduak eta 8€ ikasleak**.
- **Ginkana: Gogoratu gurasorik gabe ezinezkoa dela Ginkana antolatzea**, ikasle guztiek parte har dezaten, **70 gurasoen laguntza beharrezkoa dugu**, orain arte izena eman dutenekin ez da nahikoa. Buletin honetan duzue laguntza emateko izen emate orria eta webgunean ere ohiko moduan egin dezakezue. (Ginkanaren iraupena 7:30etik-11:00etara).
- **Egitarauaren berri aurrerago emango dizuegu.**

3.- 2018/19 ikasturterako ingeleseko materiala HH eta LH 1-2-3

Datorren ikasturterako ikasleentzat **ingeleseko materialaren** eskaerak egin behar ditugu. Zuen seme-alabak materiala behar duten jakiteko ohar bat bidali dizuegu; HH 1etik LH 3 arteko ikasleen gurasoei zehazki. Arretaz irakurri ezazue.



4.-2018/19 ikasturtearen hasiera data

Aurreratu nahi dizuegu 2018/19 ikasturteko hasiera eguna irailaren 10 izango dela ikasle guztientzat, 3 urteko ikasleak barne. Ikasturte osoko egutegia aurrerago banatuko zaizue.

5.- Uztailean, udaleku garaian, goizeko zaintza zerbitzua

Izena eman duzuenok buletin honekin batera gutun bat jasoko duzue informazioarekin.

6.- Haurren eta helduen arropa eta oinetako bilketa



Berriz ere GLORR Fundazioak eskatuta kanpaina solidarioa martxan jarriko dugu.

Gaur egun egoera zailtan dauden adingabeei eta familiei laguntzeko da bereziki kanpaina hau. Helburua: familia horien egoera ekonomikoak adingabeen hezkuntza-garapen integralean eragin negatiborik ez izatea. Jendearen laguntzari esker, premia duten haurrei laguntzen die.

Beraien proiektuan parte hartzera gonbidatu nahi zaituzte. Horretarako, etxean erabiltzen ez dituzuen ehun-gaiak (arropak, oinetakoak, etab.) ekarri ditzakezue ikastolara banatu dizkizuegun poltsetan **maiatzaren 25a** bitartean. **Poltsak geletara eraman behar dituzte ikasleak.**

Haur Hezkuntzako berriak

1.- Maiatzaren 25ean HH2 eta HH3. mailako ikasleak Ibergain musika eskolako emanaldian

Datorren ostiralean, maiatzak 25, HH 2 (lau urte) eta HH 3 (bost urte) mailako ikasleak Ibergain musika eskolak, Udal pleno aretoan, emango duen emanaldira joango dira. Ikasle guztiak, 14:30etako ikastolan egon behar dute.

2.- HH2 eta HH3. mailako ikasleen irteera Maiatzaren 21ean

Datorren astelehenean, maiatzak 21, HH 2 (lau urte) eta HH 3 (bost urte) mailako ikasleak zinemara joango dira film bat ikustera. Goizean, ikasle guztiak, 9:00etako ikastolan egon behar dute. Irtenaldia goizekoa bakarria izango da eta ikasleak 12:00etan ikastolan egongo dira.



3.- HH 3. mailako (5 urte) ikasleen irteera

Datorren ostegunean, maiatzak 24, HH 3. mailako ikasleek Aiako Pagoeta parkera ibilaldia egingo dute erleen mundua ezagutzera. Irteera egun osorako da, beraz, ikasle bakoitzak bere bazkaria eta edaria ekarri beharko du. Eguraldi txarra eginez gero gelan bazkalduko dute. Ikasleek egun horretan, goizeko 9:00etarako etorri behar dute.

Lehen Hezkuntzako berriak

1.- LH6: Xanistebanetako tabernaren muntaia eta desmuntaia

LH 6.mailako gurasoei dagokizue Xanistebanetako tabernaren muntaia eta desmuntaia. Aste honetan bidali dizuegu honi buruzko informazioa. Gogoratu txandak osatzea beharrezkoa dugula eta eginkizun hau maila honetan soilik egin behar izaten dela!

Bigarren Hezkuntzako berriak

1.- DBH 1. mailako gurasoentzat oharra

Maila honetako ikasleek bi ohar eraman dituzte buletin honekin:

- ✓ Ikasturte amaierako ibilaldirako beharrezkoa duten dokumentazioaren informazioa
- ✓ Sare sozialak

2.- Oiartzon aurre matrikulatu direnentzat oharra

Datorren ikasturterako Oiartzon aurre matrikula egin duten ikasleek mezu bat jasoko dute beraien ikastolako posta elektronikoan. GARRANTZITSUA: Mezu honetan, hurrengo ikasturteari begira, **garraioaren inguruko on-lineko galdetegi bat dago txertatuta eta maiatzaren 23rako bete behar da.**

Eskola kanpoko ekintzen berriak

1.- Ikastola eguneko emanaldiak

Haurtzaro Ikastolaren egunean eskolaz kanpoko ekintzetan parte hartuko duten ikasleentzat mezua:

- **Dantza Garaikidea:** 10:00ean Gimnasioan
- **Bertsolariak, Trikitilariak eta pandero joleak:** 11:00etan anfiteatroan
- **Euskal Dantzakoak:** 11:00etan anfiteatroan
- **Soinketa Erritmikoa:** Tximeleta kluba arduratuko da abisua emateaz

OHARRA Dantza Garaikidekoentzat:

LH 1-2: galtza edo gona motz bakeroa (nahi bada petoa) eta kamiseta txuria

LH 3-4: galtza motzak eta kamiseta nahi duten kolorekoa, alkandora koloreduna gerrian lotuta (alkandora ez baduzue jertsea).

LH 5-6: galtza motz (edo peto) bakeroa, kamiseta (bikotearen kolorekoa) eta buruan zapia.

2.-Eskolaz kanpoko ekintzen azken saioak

- **Eskola Kirola:** Entrenamenduak, maiatzaren 31an amaituko dira. Azken jardunaldia maiatzaren 26an izango da.
- **Beste eskolaz kanpoko ekintzak:** azken eguna **ekainaren 8a izango da.**

3.-Musika tailerra eta abesbatzaren emanaldiaren data aldaketa

Musika tailerra eta abesbatzaren ekainak 8ko **emanaldiaren datan ALDAKETA** egingo dugu. **Emanaldi hau EKAINAREN 15ean egingo dugu arratsaldeko 17:00etan Ikastolako jantokiko goiko solairuan.**

4.-2018/19 ikasturterako eskolaz kanpoko ekintzen informazioa

Datorren ikasturteko eskolaz kanpoko ekintzen txostena maiatzaren 25ean banatuko dugu.

Izen emate epea maiatzaren 28tik ekainaren 5era izango da.

GOGORATU:

- GEHIENEZ 3 EKINTZETAN eman ahalko da izena.
- Onartze prozedura ZOZKETA BIDEZ egingo da eta ez jasotze ordenaren baitan.



Buletinaz aparteko informazioa

1.- Ibergain musika eskolako kontzertua

Ibergain musika Eskolak, aurten ere, gonbitea luzatu die ikastolako LH-ko ikasleei maiatzaren 26an, Elorsoro kiroldegian eskainiko duten ikasturte bukaerako kontzertuan eurekin batera bi abesti abestuz parte hartzera. Maila horietako ikasleei aukera horren berri eman diegunean, batzuk parte hartzeko nahia adierazi dute eta egun hauetan musikako irakaslearekin entseguak egingo dituzte.

Zure seme-alaba parte hartu nahi duen horietakoa bada, argibide hauek kontuan hartu itzazu mesedez.

Parte hartu ahal izateko hauexek dira xehetasunak:

- **Eguna:** Maiatzaren 26a, larunbata
- **Nori zuzendua:** LH 2-3-4-ko ikasleei
- **Entsegua:** Elorsoron goizeko 10:30etik 11:30era
- **Kontzertua:** Elorsoron 19:00etan
- **Janzkera:** Galtza edo gona urdin iluna eta gainaldea alkandora edo kamiseta zuria.

Gogoratu ikasleak gurasoen ardurapean egongo direla.

2.- Oarsoaldea Igeriketa kirol elkartearen ate irekiak

Oarsoaldean igeriketako ate irekiak izango dira ekainean, 2010 edo/eta lehenago jaiotakoentzat. Informazio gehiago Xabi Goya 610000803 edo zuzendaritza@oarsoaldeaike.com izango duzue.

Buletinaz aparteko erasnkink

- Yoga familian maiatzaren 27an (HH3-LH6)
- Oiartzungo Prosa eta Poesia lehiaketa liburua (LH1-DBH4)

Ginkanan laguntza emateko prest nago (ekainaren 2an, 7:30-11:00)

Ikaslearen izen abizenak: Maila eta gela:

Gurasoaren izen abizenak:

Kontakturako telefonoa: Idazkaritzara eramateko azken eguna maiatzaren 20a

